


# TSHIVENDA HAYANI

Bugu ya 1  
Themo dza  
1 & 2



TSHIVENDA HOME LANGUAGE  
GRADE 2 – BOOK 1  
TERMS 1 & 2  
ISBN 978-1-920458-25-6

THIS BOOK MAY NOT BE SOLD.

8th Edition



9 781920 458256



ISBN 978-1-920458-25-6



TSHIVENDA LUAMBO LWA HAYANI – Gireidi ya 2 Bugu

ISBN 978-1-920458-25-6



basic education  
Department:  
Basic Education  
REPUBLIC OF SOUTH AFRICA

Dzina:

Kilasi:





Vho Angie Motshekga  
Minista wa Muhasho wa  
Pfunzo ya Muteo



Vho Enver Surty  
Muthusaminista wa  
Pfunzo ya Muteo

Bugu idzi dzo iñwalelwa vhana vha Afrika Tshipembe, mushumo wa hone wo rangiwa phanda nga Minista wa Pfunzo ya Muteo. Vho Angie Motshekga na Muthusaminista wa Pfunzo ya Muteo. Vho Enver Surty.

Bugu dza u shumela dza Rainbow ndi tshipida tsha zwe Muhasho wa Pfunzo ya Muteo wa ita zwa u khwiñisa vhukoni ha vhagudi vha Afrika Tshipembe vha gireidi dza rathi dza u ranga. Sa tshiñwe tsha zwithu zwihiwlwane zwa Pulanetshumisi ya Muvhuso, thandela iyi yo konadzea nge ya lambedzwa lu sa vhudziswi nga Muhasho wa Gwama ja Lushaka.

Hezwi two ita uri Muhasho u kone u bvededza bugu idzi, dzi kha nyambo dzoñhe dza tshiofisi, dzi tshi waniwa mahala.

Ri na fulufhelo jauri bugu idzi dzi do thusa vhadededzi (vhagudisi) mushumoni wavho wa u funza wa duvha jiñwe na jiñwe khathihi na u vha na vhutanzi uri vha khunyaledze kharikuñamu yoñhe. Ro ita nga vhuronwane uri ri sumbedze ndila vhadededzi kha nyito nge ra shumisa aikhoni dzi no sumbedza uri mugudi u tea u ita zwifhio.

Ri na fulufhelo ji no bva ji mibiluni uri vhana vha do ñiphina nga u shumisa bugu idzi zwenezwi vha tshi khou aluwa na u guda, khathihi na uri na vhonevho, sa mudededzi, vha do ñiphina na vhana avha.

Ri ri kha vhone na vhagudi vhavho, ngavhe zwi tshi vha nakela musi vha tshi shumisa bugu idzi. Zwi pfumbe.

## VHUDIFHINDULELI HA VHASWA VHA AFRIKA TSHIPEMBE

<b>Ndingano</b> Farani muthu muñwe na muñwe nga u linganana na u fana. Ni songo ɏalula.	<b>Tshirunzi tsha muthu</b> Thonifhani muthu muñwe na muñwe. Ni vhe na vhuhwaho na u vhahalela.	<b>Vhutshilo</b> Hulisani na u thonifha vhabebi vhau. Funanani na u fulufhedzea muñani wa hanu. Vhutshilo hoñhe ndi mpfo. Vhu thonifheni.
<b>Hayani</b> Thusani kha mishumo ya hayani.	<b>Pfunzo</b> Dzhenani tshikolo, ni gude ni shumese. Tevhedzani milayo ya tshikolo.	<b>U shuma</b> Vhana vha songo kombetshedzwa u ɏoda mishumo.
<b>Mbofhollowo na tsireledzo</b> Ni songo vhaisa, u shengedza kana u shushedza vhariwe, nahone ni songo tenda vhariwe vha tshi zwi ita. Tandululani phambano nga mulalo.	<b>Ndaka</b> Thonifhani ndaka ya vhariwe vhathu. Ni songo tshinyadza ndaka nahone ni songo tswa.	<b>Vhurereli, lutendo na mihibulo</b> Thonifhani lutendo na mihibulo ya vhariwe vhathu.
<b>Tsireledzo</b> Vhahalelani jifhasi. Ni songo tambisa mañi na muñagasi. Tsireledzani zwipuka na zwimela. Kunakisani midí ya hanu na zwitshavha zwa hanu.	<b>Vhudzulapo</b> Ivhani mudzulapo wa Afrika Tshipembe wa vhukuma na u fulufhedzea. Tevhedzani milayo, ni vhe na vhutanzi uri na vhariwe vha ita ngauralo.	<b>Mbofhollowo ya u amba</b> Ni songo ɏuwedza mazwifhi na vengo. Ivhanani na vhutanzi uri vhariwe vhathu vha songo nyadziwa kana u vhaísia.



# Gireidi ya

2



Zwikili zwa Vhutshilo  
nga **TSHIVENDA**  
Bugu ya I



Bugu iyi ndi ya:





# Ri lila zwiliwa zwi re na mutakalo urī ri kone u tshila



Kha ri vhale

Themo ya | – Vhege ya | – Bambiri | a u shumela | a

Mivhili yashu i lila zwiliwa zwi re na mutakalo u itela uri ri kone u aluwa. Ri tea u la zwiliwa zwi no bva kha zwigwada zwothe zwa zwiliwa duvha linwe na linwe. Ri tea u la zwiliwa zwi re na mutakalo u itela uri ri vhe na mafulufulu a u ita zwothe zwine ra tea u ita. Arali ri sa li zwiliwa zwi re na mutakalo, ri do lwala.

## Zwigwada zwiłanu zwa zwiliwa


Thoro na zwibveledzwa zwa thoro



Vhañwe vhatu vha la miroho fhedzi. Zwi amba uri a vha li nama na luthihi. Vha la zwi no wela phasi ha zwila zwigwada zwiniwe zwina (4) zwa zwiliwa.

Nama,  
khovhe,  
ya zwamabesu,  
thebu na nawa

Miroho na mitshelo



Mapfura na oili (ole)



Zwibveledzwa zwa mafhi



## Kha ri ite nyito

Ambani na khonani yanu uri ndi zwifhio  
kha zwiliwa izwi zwi re na mutakalo  
ngomu. Zwi tangedzeleni.



## Kha ri nwale

Diiteni u nga ni khou ya  
mavhengeleni na mme  
anu ni tshi yo renga  
zwiliwa zwa tshilalelo.  
Nwalani mutevhe  
wa zwiliwa zwi re na  
mutakalo zwine vha  
hanu vha do la.




# Madi a ri nea vhutshilo

Themo ya / - Vhege ya / - Bammbiri / - shumela ja

Kha ri ambe

Ndi nga mini ri tshi lila madi?  
Vhathu, zwimela na zwipuka vha  
lila madi uri vha kone u tshila. Madi  
a tshimbidza zwiliwa zwine ra ja kha  
zwipiда zwo fhambananaho zwa  
mivhili yashu. A dovha a thusa kha  
uri mivhili yashu i bvise malatwa.






Kha ri ite nyito

Ri shumisa madi duvha liñwe na liñwe midini yashu. Vhudzani khonani yanu  
nga zwithu zwothe zwine zwa ni dela muhumbuloni zwine madi a shuma  
khazwo. Ni kone u ola zwifanyiso zwa 4 zwi no sumbedza uri ri shumisa madi  
nga ndilade. Nwalani maipfi nga ntsha ha tshifanyiso tshinwe na tshinwe a no  
talutshedza uri tshifanyiso itsho tshi amba nga mini.






### Kha ri nwale

Madiri a wana ngafhi? Talani mutalo ni tshi tuma  
ipfi linwe na linwe na tshifanyiso tshone.



tshisimani
tshipelupelu
mulamboni
damuni
gwedzhoni (bidzini)



### Bvelani nnda

Musi ni sa athu u ya nnda u ya u ita ndowendowe, thomani ni onyolowe sa tshimange. Hezwi zwi do ni thusa uri muvhili u si kondé u tharamuwa. Ni dovhe ni onyolowe hafhu musi no no fhedza ndowendowe u itela u digedé na u femuluwa. Hezwi zwi do ni thusa uri misipha i si vhabhe nga murahu.



- Thamuwani sa tshidula. Itani miungo ya zwidula.
- Posanani bola kana tshisagana tsha ñawa. I gavheni.
- Ni kone u posa bola kana tshisagana tsha ñawa  
muyani ni gavhe.
- Tengenedzani tshisagana tsha ñawa kha thoho ni ite mbambe  
ya u hwenya ni na khonani yanu. Wanani uri ni nga kona u  
tengenedza tshisagana tsha ñawa tshifhinga tshingafhani.



3

# Ri vhulunga madi

shumela | a

Kha ri ambe

Madi ndi tshithu tshihulwane, ri songo a tambisa.  
Ambani na khonani dzañu nga ndila dzo  
fhambananaho dzine ra nga vhulunga madi ngadzo.



Kha ri ñwale

Zwikhalani zwi re af ho fhasi ñwalani  
mihumbulo mivhili ya u vhulunga madi.



Themo ya | - Vhege ya 2 - Bammbiri | a u

1.

---

---

2.

---

---



Kha ri ite nyito

Shumisani khirayoni dzañu  
kha u ita phositaraya  
makolokolo i no amba nga u  
vhulunga madi. Phositaraya  
yanu i tea u t̄utuwedza  
vharwe uri vha vhulunge  
madi. Musi no no ita  
phositaraya yanu, i sumbedzeni  
khonani dzañu.

6

Deithi: .....





Bvelani nn̄da

Kha ri tambe mutambo wa "Ndi tshifhingade,  
Vho Phele?"

Muriwe wa vhoiwe u do vha phele.

Seilisanani u vhudzisa uri Ndi tshifhingade,  
Vho Phele?

Tshifhinga tshothe musi no no vhudzisa,  
Vho Phele vha ambe tshifhinga.

Fhedziha, arali Vho Phele vha ri "ndi tshiswitulo!"  
vha do mbo di ni pandamedza. Ni tea uri ni  
shavhe vha sa a thu ni fara.



Wanani hupu ya u tamba ngayo.

Inwi na khonani yanu ni fanelu u sielisana u  
pfuka hupu iyi, ni thoma nga u pfuka ni tshi  
tou tshimbila ha da u pfuka ni tshi tshimbila  
nga zwanda.

Farani hupu yo tou ima ngeno khonani yanu  
a tshi khou sera vhukati hayo. Sielisanani u  
tamba ngaurali.



Tsha u thedza,  
ni kha zwigwada  
zwa vhanavhana,  
itani ndowendowe ya  
mutshino wa sialala  
wa Afrika Tshipembe  
ni u tanele  
vhainwe.

Teacher:  
Sign:  
Date:

# Mufhe wo kunaho u ri fha mafulufulu

shumela |a  
shumela |a u  
Bambiri |a u - Vhege ya 2 -



Kha ri vhale

Mufhe une ra fema u na oksidzheni. Hezwi zwi thusa mivhili yashu uri i shumise zwiliwa zwe ra da. Zwa ita uri ri wane mafulufulu kana maanda a u tshila. Musi ri tshi fema mufhe wo tshikafhadzwaho, mivhili yashu a i koni u shuma zwavhudzi.



Kha ri nwale

Dzulanani na khonani yanu. Vhuvhili hanu, fhedzisani mafhungo a re afho fhasi:

Ndi tea u wana mufhe wo kunaho ngauri

Musi mufhe u na tshika

Mufhe u vha na tshika musi

Zwine ra nga ita u itela uri mufhe u dzule wo kuna:

1.

2.

Deithi: .....



## Kha ri vhale

Vhatu vha lila masana u itela uri vha dzule vhe na mutakalo wavhudì. Masana a thusa mivhili yashu kha u sika Vithamini D. Ri a i shumisa kha u fhatà marambo o khwathaho.

Masana a kalula a a dina. Ri nga swa lu no vhavha. Ni tea u shumisa zwidolo zwa philamasana na u ambara muñadzi u itela u tsireledza lukanda kha vhuhalu ha duvha.



## Kha ri nwale

## Dadzani zwikhala zwi tevhelaho:

Ndi nga ditsireledza kha u kalula ha masana arali nda nga:

1

2

3



Kharimbe

Imbani luimbo ulu  
ni vhandele zwanda  
mudivhitho walwo.



# Tsingandedede, honyana

## Ri ya murohoni, honyana

Masana a a d ifha, honyana

# Tsingandedede, honyana

# Ri ya mugeroni honyana

## Kuduvha kwo bva, honyana

# Tsingandedede, honyana

## Ri ya khunini, honyana

Ridot avhela d uvha, honyana

Ni tea u shumisa zwidolo  
zwa philamasana na u  
ambara muñadzi u itela  
u tsireledza lukanda kha  
vhuhali ha duvha.



# Nne na vhañwe

shumela | a



Kha ri ambe

Ro̥he ri na khonani dza mbiluni.  
Ni zwi ñivha hani uri muthu ndi  
khonani yanu ya mbiluni?



Kha ri ñwale

Kha tshikhala tshi re afho fhasi, ñwalani zwithu  
zwi no ita uri muthu a vhe khonani ya mbiluni.



Themo ya | - Vhege ya 3 - Bammbiri | a u



Kha ri ñwale

Elekanyani nga mbudziso idzi ni kone u ñwala phindulo dzanu.

Ni na khonani nngana?

Khonani yanu ya mbiluni u pfi nnyi?

Ni na tshifhinga tshingafhani ni dzikhonani?

Ndi zwifhio zwa tchipentshela zwine khonani yanu a vha nazwo?

Deithi: .....



Kha ri ambe

Dzulani na khonani yanu ni ambe nga zwitata mennde hezwi. Dzhenisani thiki (✓) afho tshibogisini arali zwi zwone, na tshifhambano (✗) arali zwi si zwone.

## Mutevhemu tolavhukonani

	Dzhenisani ✓ kana ✗
Khonani yanga i a mmbavhalela.	
Khonani yanga i a nthusa.	
Ndi kovhekana zwithu na khonani yanga.	
Khonani yanga ha lwi na nne.	



Kha ri ite nyito

Elekanyani nga tshithu tshine na nga ita u itela uri khonani yanu a pfe e wa tshipentshela. Ni kone u ola tshifanyiso tsha hone kha fureme. Ni elelelwe u khavhisa fureme ya tshifanyiso. Musi no no fhedza, ambanu nga mivhala yo dzikaho na i rindidzaho ye na i shumisa tshifanyisoni tshanu.



Kha ri nwale

Nwalani mafhungo mavhili nga tshifanyiso tshanu.

---



---



## 6


# Vhathu vhane ra tshila navho

shumela [ə]





Kha ri ambe

Lavhelesani zwifanyiso. Elekanyani nga zwine khonani mbuya dza ita, ni ambe ngazwo ni kha tshigwada tsha vhoiwe. Zwino elekanyani nga zwine khonani mmbi dza ita. Dzenisani thiki kha tshifanyiso tshiñwe na tshiñwe tshi no sumbedza khonani mbuya, na tshifhambanu kha zwi re na khonani mmbi. (✓) (✗)



Themo ya | - Vhege ya 3 - Bammbiri [ə u]







Kha ri vhale



Vhalani fhungo l̄inwe na l̄inwe ni kone u khalara  
tshifha $\bar{u}$ wo tsha Ee kana tsha Hai.





Ndi khonani mbuya.





Ndi a vhavhalela  
khonani dzanga.






Ndi fara vhane nda dzhena navho kilasini  
zwavhudī.



Vhane nda dzhena navho vha a mpfara  
zwavhudī.



Ndi na vhuhwaho kha  
vhane nda tshila  
navho.



Bvelani nnda

Kha ri tambe "Nkandeni murunzi".

Inwi na khonani dza $\bar{n}$ u lingedzani u kandana mirunzi.  
Sielisanani ni vhone uri ndi mirunzi mingana ine na  
nga i kanda. Ni songo ima fhethu huthihi u itela uri  
khonani yanu a si kone u ni kanda murunzi.



# U shengedzana ho fa


Themo ya 1 – Vhege ya 4 – Bammbiri 5 – shumela 6



Kha ri nwale

Lavhelesani tshiñwe na tshiñwe tsha izwi zwifanyiso.

Ni nga ita mini arali ho vha hu inwi ane a khou shengedzwa? Tsini na tshifanyiso tshiñwe na tshiñwe, nwalanî fhungo lithihî li no amba uri ri tea u fara vhanwe vhathu nga ndilade.




---



---



---



---




---



---



---



---




---



---



---



---



### Kha ri ite nyito

Itani litambwa ni na khonani yanu la musi muñwe ñwana a tshi shengedza muñwe. Ni kone u amba uri ni nga thivhela hani u shengedzana.





### Bvelani nnda

Dikhethekanyeni ni bve zwigwada zwa vhatu vha 5.

Imani nga muduba ni ñekane bola kha muduba wonoyu. Wanani uri ndi tshigwada tshifhio tshi no ñavhanya u pfukisa bola. Musi no no fhedza, lingedzani u pfukiselana bola nga ndila dzo fhambananaho:



- Nekedzani ane na dzhena nae a re murahu hanu bola nga u i serisa milenzheni yanu.
- Nekedzani ane na dzhena nae a re murahu hanu bola nga u i pfukisa nthia ha ñtho.
- Nekedzani ane na dzhena nae a re murahu hanu kha tsha monde bola.
- Nekedzani ane na dzhena nae a re murahu hanu kha tsha u la bola.
- Zwino poselanani bola ni vhone uri ni nga i gavha lungana.



# Munwe na munwe ndi wa tshipentshela

Themo ya | – Vhege ya 4 – Bammbiri | a u shumela | a

Kha ri ambe

Lavhelesani zwifanyiso ni bule uri avha vhana vha fana nga mini. Ni bule na uri vha fhambana nga mini.





### Kha ri vhale

Itani nyito i no khou tevhela ni kha tshigwada. Lavhelesani vhana vhot<sup>h</sup>e vha re kilasini yanu. Zwino vhalani zwitatamennde zwi tevhelaho. Arali tshitatamennde tshi tshone, dzenisani thiki (✓) tshibogisini tshi re kha tsha u ja, arali tshitatamennde tshi si tshone, dzenisani tshifhambo (✗).

Dzenisani ✓ kana ✗

Vhatukana na vhasidzana vha a fana?

Vhana vhot<sup>h</sup>e vha na mavhudzi a muvhala muthihi?

Vhana vhot<sup>h</sup>e vha na ma<sup>o</sup> a muvhala muthihi?

Vhana vhot<sup>h</sup>e vha na zwanda zwa saidzi nthihi?

Vhana vhot<sup>h</sup>e vhane na dzhena navho vha a lingana nga vhulapfu?



### Kha ri ambe

Ni a kona u zwi vhona uri ro<sup>h</sup>e ro fhambo? Ni a kona u zwi vhona uri ri a dovha ra fana ro<sup>h</sup>e.



No vha ni tshi zwi divha uri a hu na mu<sup>n</sup>we muthu lifhasini lot<sup>h</sup>e a re na khanndiso ya minwe i no fana na yanu?  
Ni wa tshipentshela nga maanda, ndi inwi ni no<sup>h</sup>te shangoni!





shumela [ə]



Kha ri ambe

# Vhudipfi hashu

Ambani nga tshañu uri ni dipfa hani musi tshithu tshavhuđi tshi tshi bvelela kha inwi. Zwino ambani nga tshañu uri ni dipfa hani musi tshithu tshi si tshavhuđi tshi tshi bvelela kha inwi. Hezwi zwi pf i ndi vhudipfi. Nwalani uri avha vha dipfa hani.



Kha ri ñwale

Nwalani phindulo dza mbudziso dzi re afho fhasi.



Themo ya | - Vhege ya 5 - Bammbiri [ə u shumela [ə]

Ni takadzwa nga mini?

Ni tungufhadzwa nga mini?


Ni shushedzwa nga mini?

Ni nyanyulwa nga mini?



## Kha ri ite nyito

Olani na u khalara tshaini iyi ya vhukonani. Lingedzani uri mipopi i si fane, u itela u sumbedza uri ro<sup>th</sup>e ro fhambana nahone ri ri<sup>n</sup>e vhang. Musi no no ita izwi ni nga gera tshaini ya vhukonani i re kha siatari la zwigeriwa li re vhukati ha bugu iyi. Itani uri mipopi i fhambane u itela u ri humbudza uri ro<sup>th</sup>e ri vha tchipentshela.




## Bvelani nnnda

Kukumusani muvhili wa<sup>n</sup>u nga hune na nga kona.

No no ralo ni lingedze u u <sup>t</sup>ukufhadza.

Zwino lingedzani u dilapfisa.

Fhedzisani nga u lingedza u dipfufhifhadza tshothe.



# Vhathu vhaholefhali

shumela | a  
shumebiri | a u



Kha ri ambe

Lavhelesani zwifanyiso izwi.

- Ndi tshaka dzifhio dza vhaholefhali dzine na kona u dzi vhona?
- Muñwe na muñwe wa avha vhana u shumisa mini kha u dithusa (difarisa)?
- Ndi thaidzo dzifhio dzine na vhona u nga avha vhana vha nadzo vhutshiloni ha duvha linwe na linwe?
- Ambani ngauri ri nga vha thusa nga ndilade.



Themo ya | - Vhege ya 5 - Bammbiri | a u




Kha ri nwale

Lavhelesani zwifanyiso zwi re afho fhasi.  
Fhedzisani mafhungo.

Rosemary ha koni u tshimbila.

U shumisa \_\_\_\_\_

kha u ditschimbidza.



garikitshidulo

Thabo o pofula nahone u  
shumisa \_\_\_\_\_ a  
tshi tshimbila.

mmbwanyendedzi




tshithusaupfa

Sam o dzinga ndevhe.

U shumisa \_\_\_\_\_ uri  
tshi mu thuse u pfa.



luambo lwa tswayo



Jabu ha koni u amba.


U shumisa \_\_\_\_\_ a  
tshi davhidzana na vhañwe.

magodobo (thonga)

Muano u shumisa \_\_\_\_\_  
a tshi tshimbila.



Shumisani vumba kana vumba  
la u tambisa kha u vhumba vasi  
kana khaphu.



# Ñwana muñwe na muñwe ndi wa tshipentsela

Themo ya | – Vhege ya 6 – Bammbiri | a u shumela | a



Kha ri ambe

Avha vhana vho f'hambana na inwi nga mini?  
Ni fana navho nga mini?



Kha ri vhale

Vhana lifhasini lothe vha na holodei dza tchipentshela.

*Rothe ri pfana na u tamba na u imba.*

*Rothe ri lila zwiliwa.*

*Rothe ri tea u dzhena tshikolo.*

*Arali ri tshi lwala, rothe ri lila dokotela.*

*Rothe ri tea u vha na vhudele ra kuna.*

*A ro ngo tea u ya u foleta mishumo.*

*Rothe ri vhana.*





Kha ri nwale

Vhudzisani khonani dzanu dza 3 mbudziso idzi. Nwalani phindulo dzadzo zwikalani zwi re afho fhasi.

Nwalani madzina a khonani yanu			
Vhurereli hanu ndi hufhio?			
Ni pembelela zwifhio zwa tchipentshela?			
Ni <u>la</u> zwiliwa zwifhio?			
Ni ambara zwiambaro <del>e</del> zwa tchipentshela?			
Ni pembela na vhonnyi?			



Kha ri ite nyito

Lavhelesani tshifanyiso.

Ndi mepe wa lifhasi lashu. Ni a kona u zwi vhona uri lifhasi lashu li na mavu na madanzhe. Kha~~l~~arani madanzhe nga muvhala wa lutombo. Kha~~l~~arani shango nga muvhala wa buraweni. Olani khovhe dzi si gathi dzi lwanzeni.



# Muhali wanga

Themo ya | - Vhege ya 6 - Bammbiri | a u shumela | a



Kha ri ambe

Ambani ngauri hu na vhana vha re vhaholef hali naa tshikoloni tshanu.

Tshikolo tshi nga ita mini kha u vha thusa musi vhe tshikoloni? Vhaholef hali vha nga vha ngwena (dzitshampiyoni)?



Kha ri vhale

Vhanwe vhahali ndi vhaholef hali. Ri a vha tama ra vha edzisa. Afrika Tshipembe hu na ngwena nnzhi dza mitambo dzine dza vha vhaholef hali. Ni nga kona u elekanya uri ndi vho nnyi?

Natalie Du Toit o lonzwa tshipida tsha mulenzhe wa monde u bva kha tshinungo musi wa khombo ya thuthuthu. Utshimbila nga mulezhe wa mafanedza fhedzi a tshi bambela u veka nga mulenzhe muthihi.




Kha ri ambe

Ambani nga vhaholef hali vha no ita zwithu zwi no mangadza.

Elekanyani nga:

- Vhathu vho pofulaho vhane vha lidza zwilidzo. Hu na ane na mu divha?
- Vhathu vha sa koni u pfa vhane vha nwala nyimbo. Hu na ane a nga vha tsumbo?





Kha ri nwale

Zwikhali zwi re afho fhasi, nwali zwidodombedza  
zwa muhali wanu kana muthu ane na mu edzisa.

## Muhali wanga kana muthu ane nda mu edzisa ndi:

Olani tshifanyiso tsha muthu a re muhali kana ane na tama u mu edzisa. Nwalani maipfi tsini na tshifanyiso tshine tsha talutshedza uyo muthu nga ndila ya khwinesa. Tsumbo: u takalela vhathe, u a thusa, ha na nyofho, u na lufuno.

Ni nga vha muhali nga ndilade? Rerani na khonani yanu nga mihumbulu ine na vha nao. Zwino nwali tshitiori tshine khatsho inwi na vha muhali. Fhedzisani mafhungo afho fhasi:

Linhwe duvha ndo

Nda mbo di humbula u

Nda

Ndi zwone zwe nnyitaho muhali zwenezwo.



# Khunakhiso ya madi

Themo ya 1 – Vhege ya 7 – Bammbiri la u shumela la



Kha ri vhale

Lavhelesani ngilasi ya madi.

Ni a kona u vhona zwi re ngomu ha madi? Hai, a ni koni. Hone no vha ni tshi zwi divha uri tshinwe tshifhinga madi a a vha na zwitzhili (zwitshili)? Zwitzhili zwa hone ndi zwitukutuku lune zwi si kone u vhoniwa nga matto a nama. Arali na nga nwa madi ni songo thoma na vhulaha zwitzhili ni nga lwala vhukuma. Ri tea u dzulela u vha na vhutanzi uri madi ane ra nwa a si a muhulu nahone o kuna.



Kha ri ambe

Ambani uri hu nga bvelela mini arali ri tshi nga nwa madi a re na tshika (a muhulu). Zwino lavhelesani zwifanyiso zwi re afho fhasi.



Posani philisi dza klorini ngomu madini.



Vhilisani madi  
minete ya 5.



Shelani khemikhala.



Filitharani madi.





### Kha ri ambe

Ndi madi afhio aine na vhona e one a no nwed?

Madi a mulamboni (muhulu)



Madi o tou gwiwaho

Madi a bommbini



Madi a mabodeloni

Madi a lwanzhe



Madi o vhiliswaho nga gedela



### Kha ri ite nyito

Shumani ni kha zwigwada ni ite filithara ya madi ya u kunakisa madi.

Thetshelesani nga vhuronwane musi mudededzi wañu vha tshi ni  
talutshedza uri ni tea u ita mini.



### Ni do tea u vha na zwi tevhelelalo:

Bodelo la 2 litha la pułasitiki

Madi a re na matope

Mułavha musekene

Thongwana/giravhulu

Tshigero

Madzudzu (khothoniwulu)



### Kha ri nwale

Nomborani maga a u ita filithara ya madi a tshi tevhékana nga ngona.

	Shelani mułavha musekene nga nt̄ha dzudzu.
	Ganamisani bodelo.
	Shelani mułavha mudenya.
	Gerani bodelo tshirahoni nga vhuronwane.
	Shelani madi a re na khungumułavha ngomu.
	Posani thongwana kana giravhulu ngomu bodeloni.



# Kutshilele ku re na mutakalo ngomu



Kha ri vhale

Vhalani nga iñwe na iñwe ya ndowelo dzi tevhelaho mbuya na mmbi. Arali i ndowelo mbuya ni ite thiki (✓), arali i ndowelo mmbi ni ite tshifhambano (✗).

Ndowelo Mudededzi u tea u thusa vhana vha tshi vhala.	Mbuya ✓	Mmbi ✗
Ndi la zwiliwa zwi re na mutakalo ngomu.		
Ndi la malakati nga fasiere la goloi kana thekhisi.		
Ndi tambo mavhudzi tshifhinga tshothe.		
Ndi la malegere manzhi.		
Nala dzanga na ndevhe dzi dzula dzo kuna		
Ndi tambo mano luthihi nga nwedzi.		
Ndi a dobela malakati nda a posa binini.		
Ndi a tambo zwanda musi ndi tshi bva thoilethe.		
Musi ndi tshi hotola kana u atsamula, ndi vhea tshanda kha mulomo.		
Ndi ita nyonyoloso tshifhinga tshothe.		
Ndi twa ndo shuvhama phanda ha TV tshifhinga tshilapfu.		
Ndi dzula tsini na vhathu vhahulwane vha no daha.		



Itani phositarara nga ndowelo mmbi kana mbuya.

Kha ri ite nyito



Kha ri nwale

Asesani phositarara yanu. Vhalani tshitatamennde tshiñwe na tshiñwe, ni kone u dzenisa tshifhatuwotshiñweñweli arali tshitatamennde tshi tshone, na tshifhatuwotshisunyuwi arali tshitatamennde tshi si tshone.



Ee	Hai

Phositarara yanga i na makolokolo nahone yo kuna.

Ndi a takalela u ita phositarara.

Zwo nkondela u ita phositarara yanga.



Bvelani nnda

- Ni nga kona u fhufha u swika ngafhi? Shumisani vhutambo vhuraru. Vhu fhufheni. Vhu sendedzeleni phanda na phanda vhu tshi siana ni vhone uri ni nga fhufha u swika ngafhi.
- Zwino, humbelani khonani dzanu mbili uri vha dzungudze thambo uri ni i fhufhe.
- Sielisanani u fhufha.



15

# Zwiliwa zwi no sina na zwi sa sini

Themo ya | - Vhege ya 8 - Bammibiri | a u shumela | a




Deithi: .....

Kha ri ambe



Ambani nga zwiliwa zwine zwa tea u rothodzwa uri zwi sa sine. Bulani uri ndi zwiliwa zwifhio zwine zwi sa tode u rothodzwa, zwine zwa nga dzula khabodon. Gerani zwifanyiso zwi re kha siatari ja zwigeriwa ni zwi nambatedze kha firidzhi kana kha khabodo.






Kha ri ambe



Ambani nga ndila dzine ra nga tsireledza zwiliwa  
ngadzo kha zwikhokhonono zwi no nga thunzi  
na vhusunzi.



# Holodei dza vhurereli na dzinwevho dza tshipentshela

Themo ya | - Vhege ya 8 - Bammbiri | a u shumela | a

Nga Khiresimusi (Khirismusi) ri fhiwa zwifhiwa zwinzhi. Na khonani dzashu na mashaka ashu ri a vha f'havho zwifhiwa. Ri na muri wa Khiresimusi ngomu nduni. Ri vhea zwifhiwa fhasi ha uyu muri. Ri a u tama ra toma naledzi thodzini yawo. Nga Khiresimusi ri la zwiliwa zwinzhi zwa u difha.

Kha ri vhale


Vhathu liphasini lothe vha a pembelela holodei dza tchipentshela. Ni do pembelela holodei dzifhio?




Ri tou ri Diwali i swika lini. Ndi tshone tshifhinga tshine ra fhiwa malegere manzhi na zwifhiwa zwinzhizwinzhi. Ri paka malegere a si difhi zwone na khekhe mabogisini ra zwi fha vhathu vhane vha da u ri dalela. Ri funga mbone (malammba) thukhu ra dzi vhea u mona na ndu. Ri tama mudi washu ra thuthubisa khirikhethé.



Ri tou ri Hannukah i swika lini wee.  
 Ri do la zwiliwa zwinzhizwinzhi zwi  
 sa difhi zwone. Ri pfana na u la  
 panekuku na dounati. Na zwifhiwa  
 ri a zwi funa. Vhazwala vhashu vha  
 a da u dala. Rothe ri a thusa kha  
 u bika zwiliwa nahone ri a funga  
 makhandela ngomu nduni.



Hu si kale hu do vha hu Eid (Idi).  
 Ndi tou tama uri ngavhe ri tshi  
 fhiwa zwifhiwa. Na khonani  
 dzashu ri do dzi f'havho zwifhiwa.  
 Ri do la khekhe na malegere  
 manzhimananzhi. Uri ndi Eid ri zwi  
 vhona nga tshivhumbeo tsha  
 nwedzi. Eid i da nga maduvha  
 (deithi) o f'hambanaho nwaha  
 muñwe na muñwe.



Imbani luimbo lune na lu divha   
 lu no yelana na maduvha aya  
 a tshipentshela.



# Khalanwaha

Themo ya 2 – Vhege ya / – Bammbiri / a u shumela / a



Kha ri ambe

Lavhelesani zwifanyiso izwi zwa khalañwaha nña. Vhudzani khonani yanu uri ni kona u vhona mini kha tshiñwe na tshiñwe. Bulani uri khalañwaha idzi nña dzi fhambana nga mini.



Ndi khalañwaha ifhio ine na i funesa? \_\_\_\_\_

Ndi nga mini ni tshi funesa khalañwaha iyi? \_\_\_\_\_

Duvha lanu la mabebo ndi la khalañwaha ifhio? \_\_\_\_\_



Kha ri imbe

Iwe duvha hayee!

Na masana au.

U vhone tshela u kule wee!

U mudini wau.



I a vhuya mulobilo,  
Kolongonya kolongonya!  
Nndu khulu dzi na biko,  
Kolongonya kolongonya!



Teacher:
Sign:
Date:

# Khalanwaha nña

Gerani zwifanyiso zwa khalañwaha kha zwigeriwa zwi re murahu ha bugu. Nambatedzani tshifanyiso tshiñwe na tshiñwe kha dzina la khalañwaha i re yone.

Kha ri ite nyito

shumela la

Vhege ya / - Bambiri la u shumela la

Themo ya

**Khubvumedzi**

**Tshimedzi**

**Lara**

# Lutavula

Deithi: .....



Fulwi

Fulwana

Thangule

vhuriq



# tshifhefho

Thafamuhwe  
Lambamai  
Shundunthule



Nyendavhusiku

Phando

Luhuhi

# tshilimo



Bvelani nnda

Itani ndowendowe ya zwikili zwañu zwa bola.

Bammbisani bola kha luvhondo.


Matshani no ima fhethu huthihi ni tshi khou bammbisa bola.

Zwino bammbisani bola i tshi mona na dzibikhoni.



# Khalanwaha

Themo ya 2 - Vhege ya 2 - Bammbiri ya u shumela ja



## Tshilimo

Mutsho u na masana nahone hu a dudela na u fhisa.

Mađuvha ndi malapfu vhusiku ndi vhupfufhi.


Ri đirothodza nga u bammbela kana ra dzula mirunzini.

## Tshifhefho

Mutsho u thoma u rothelela.

Mađari a thoma u nga musuku na u wa mirini.

Zwiñoni zwi pfulutshela mashangoni a no dudela.



## Vhuria

Mutsho u a rothola.

Huñwe fhethu hu wa gambogo kana mahada.

Mađuvha ndi mapfufhi vhusiku ndi vhulapfu.


Zwiñwe zwipuka zwi edela muriha hothe (zwi a dzumbama).

## Luđavula

Mutsho u a dudela.

Zwimela zwi a thoma hafhu u aluwa miri i tshi pupumisa maluvha.

Zwiñoni zwi fhatā zwitaha na u kudzela makumba.






Kha ri ambe

Zwiliwa zwo fhambananaho zwi mela nga khalañwaha dzo fhambananaho. Lavhelesani zwiliwa izwi zwa tshilimo na vhuria. Vhudzani khonani yanu zwine na nga tama u ja musi hu tshi fhisa na musi hu tshi rothola.



Zwiliwa zwa  
khalañwaha iñwe  
na iñwe



Teacher:  
Sign:  
Date:

20

# U ambarela mutsho

shumela ja  
shumela ja - vhege ya 2 - Bammbiri ja u



Khari ole

Olani mutukana na musidzana. Mutukana a ambare zwi ambaro zwi no dudela zwa vhuria ngeno musidzana o ambara zwi no rotholela zwa tshilimo.



Mutukana

Musidzana



Bvelani nda

- Vheani dzihupu fhasi kana ni ole madanga mavuni.
- Musi mudededzi wañu vha tshi ri ni thamuwe, thamutshelani tshidangani nga milenzhe yothe.
- Musi mudededzi wañu vha tshi ri ni thamuwe, thamutshelani nda ha tshidanga nga mulenzhe muthihi.
- Tambani openi.
- Shumisani tshipida tsha tshoko kha u ola madanga na zwikwea fhasi.





Kha ri ambe

Vhudzani khonani yanu uri ri ambara zwiambaro zwifhio nga khalañwaha  
iñwe na iñwe. Ni takalela u ambara zwiamboro zwifhio?



Talani mutalo u tshi bva kha t̄halutshedzo ya zwiambaro zwine  
ra ambara hu na mutsho wo raliho.

Kha ri ñwale

## U ambarela mutsho

Arali d̄uvha li na vhuhali ri  
fanelu u ambara miñadzi uri ri  
ditsireledze.



Musi hu tshi fhisu ri fanelu  
u ambara zwiambaro zwi no  
rotholela.



Arali nnda hu tshi khou  
rothola ri fanelu u ambara  
zwiambaro zwa wulu.



Musi mvula i tshi na ri t̄oda  
zwamburenii na madzhasi  
a mvula.






Kha ri vhale

# Zwifhinga zwi a amba



## Tshilimo

Tshilimo vhalimi vha fula mitshelo.  
 Vhana vha zwipuka vha  
 khana vho takala.  
 Hunzhi shangoni mvula ndi nnzhi,  
 i na nga mithathabo na phenyo.  
 Mahatsi, zwiṭaka na maluvha zwi  
 tou titima na u lapfa zwe lapfa.



Tshimedzi

Nga Tshimedzi miri i tuma lurere.  
 Shangoni hu vhonala zwiñoni na  
 ñotshi na maluvha manzhi  
 na maṭari maswa.  
 Zwiñoni zwi fhaṭa zwiṭaha  
 zwa kudzela makumba.  
 Vhafuwi vha vhehula nngu dzavho.





## Tshifhefho


Zwiñwe zwipuka zwi vhulunga zwiliwa  
musi zwi tshi lugisela u  
edela vhuria hothe.

Małari mirini a thoma u vha na  
muvhala wa tada, wa buraweni  
na wa tshitopana.



## Vhuria

Zwiñwe zwipuka zwi edela vhuria  
hothe. Ri ri zwo dzumbama  
(haibaneitha).



Kha ri nwale

Zwipuka zwi ita mini vhuria?

Zwipuka zwi ditsireledza hani kha phepho?

Ndi lini hune zwiñoni zwa humela mashangoni a no dudela zwa thoma u fhaña  
zwitaha?



# U ḥavha ḥawa

Themo y<sup>a</sup> 2 - Vhege ya 3 - Bammbiri l<sup>a</sup> u shumela l<sup>a</sup>



Kha ri ite nyito

Ni tea u vha na

- ḥawa ḥthanu • sosara
- madzudzu • madī



Zwine na tea u ita

Vheani ḥawa kha dzudzu l<sup>i</sup> re kha sosara.



Kha l<sup>i</sup> dzule l<sup>o</sup> ḥukala. Vheani sosara kha guvha l<sup>a</sup> fasit<sup>e</sup> tshedzani.


Ni lindele no tielela ḥawa yanu vhegeni mbili dzi no tevhela.

Lavhelesani ni vhone uri ḥawa i aluwa nga ndilade.



Lavhelesani tshifanyiso tsha muñawa uyu.

Musi muñawa wanu u tshi vho fana na uyu, ni mbo d<sup>i</sup> ḥwala deithi (duvha).

Deithi	Deithi	Deithi	Deithi
 Deithi: .....			



Kha ri ite nyito

Itani litambwa nga tshipuka.

Ni nga sumbedza tshivhingwi kana lutura zwi tshi khou kuvhanganya zwiliwa zwa u la vhuria.



Bvelani nn̄da

Fhufhani sa thambelamadi i  
tshi ya shangoni li no dudela.



Kokovhani fhasi sa nowa i tshi  
toda fhethu ho khudaho ha u  
dzumbama hone.



Teacher:
Sign:
Date:

# Zwipuka: Zwifuwo zwa bulasini

shumela la



Kha ri ambe

Lavhelesani tshifanyiso ni ambe nga zwifuwo zwa bulasini zwo fhambananaho  
zwine na khou zwi vhona.

Ndi tshipuka tshifhio tshine na tshi funesa?

Ri wana mini kha tshinwe na tshiñwe tsha zwipuka izwi?





Kha ri nwale

Dzhenisani phindulo dzi re dzone kha thebulu idzi.  
Ro dzula ro ni itela ya u thoma.



Tshiduna	Thutha
Tshisadzi	Tsadzi
Nwana	Ngwana
Muungo	Bee
Vhukhudo	Danga



Tshiduna	
Tshisadzi	
Nwana	
Muungo	
Vhukhudo	



Tshiduna	
Tshisadzi	
Nwana	
Muungo	
Vhukhudo	



Tshiduna	
Tshisadzi	
Nwana	
Muungo	
Vhukhudo	



# Bulasini

Themo ya 2 - Vhege ya 4 - Bammbiri ya u shumela ja

Lu fana na lwa mafula

Too, too, ha Vho Magoda hu na thakha

Too, too, ndi thakha ya mini?

Too, too, ndi danga ja nombe.

Too, too, na tshitumba tsha mbudzi.

Too, too, dzi tshi lila dzi moo

Too, too, dziwe nga fhalā  
dzi mee

Too, too.


Kha ri imbe





Kha ri imbe

Isani phanda na u imba luimbo ulu. Dzhenisani madzina a  
zwipuka zwi tevhelaho vhuimoni ha kholomo.



Too, too, thutha nga  
fhalā i bee



Too, too, khuhu ndi  
vhukweekwee



Too, too, mbudzi dzone  
dzi mee.



Bvelani nnda

- Dadamalani kha danda ni sa wi.
- Posani bola muyani ni i gavhe ni sa wi.
- Zwino gadani sa bere.
- Phavhamedzani sa sekwa.
- Tshimbilani sa roboto.



# Zwipuka zwa ḫaka


Themo ya 2 - Vhege ya 5 - Bammbiri ya u shumela ja



Kha ri vhale



Ndau ndi nthihi na zwimange. Ndau i dzhiwa sa khosi ya phukha dzot̄he. Ndau dzi zwima na u vhulaha phukha dzi no nga ntsa na mbiđi. Ndau dzi no anzela u zwima ndi dza tsadzi. Dzi zwima na vhusiku nga zwigwada. Ndau dzi pfana na u dzula fhethu hu re khagala nahone hu na hatsi.




Ndou ndi dzone phukha khulwanesa shangoni. Dzi khomboni ya u ngalangadzwa ngauri vhazwimbava vha dzi zwimela mañanga adzo. Nanga dza ndou a dzi imi u aluwa vhutshiloni hadzo hot̄he. Dzi shumisa misingo yadzo kha u fula hatsi, mitshelo khathihi na u nwa madi. Dzi a kona u ja 200 kg dza zwiliwa khathihi na u nwa litha dza 190 nga ḫuvha.



Hu na tshaka mbili dza tshugulu – hu na tshugulu ntswu na tshena.

Tshugulu a dici koni u vhona zwavhudzi, fhedzi dici kona nga maanda u nukhedza. Tshugulu ndi khulwane vhukuma lune dza kona na u swika kha tshileme tsha 2 500 kg. Tshugulu dici dzulela u zwimiwa nga vhazwimi na vhazwimimbava. Ri tea u tsireledza tshugulu kha vhazwimi vhane vha dici zwimela mananga adzo.



Nngwe i a kona u aluwa u swika kha 2 m. Mukumba wayo u na muvhala wa buraweni u songo dombelaho na mavhala matswu a no nga zwitendeledzi. Nngwe i a kona u gonya zwithu lune i si kondelwe nga u zwima nthha ha miri.



Nari dici dzula nga mitambi. Arali hu na khombo i no khou da, dici tsadzi na vhana vhadzo dici kuvhangana vhukati ha sambi dzo tangiwa nga dza mboho dici tshi dici tsireledza. Dzinwe nari dici a kona u aluwa dici swika kha 1,7 m.



# U dzumbama ha phukha

shumela ja

Themo ya 2 - Vhege ya 5 - Bammbiri ja u shumela ja

Kha ri vhale



Zwiñwe zwipuka zwi ditsireledza nga u shandula  
mivhala yazwo zwa fana na fhethu hune zwa  
vha hone.

Luaviavi lu a kona u shandula muvhala walwo wa  
fana na miri ine lwa vha khayo.

Mavhala a mbiđi a ita uri zwi kondé u dzi vhona  
dzi dakani.




Mikumba kana mithenga ya zwiñwe zwipuka i  
swika hune ya fana na fhethu hune zwa vha  
hone lune zwa kondá u zwi vhona.



Ri zwi vhidza uri ndi u dzumbama.

Elekanyani nga zwiñwe zwipuka zwine zwa  
shumisa mudzumbamo.



Kha ri diphine





Mudededzi wanu vha do ni  
sumbedza kutambelwe kwa u  
mona na zwidulo.





Kha ri ite nyito

Olani tshipuka tsha daka. Ni vhudze khonani yanu uri tshi didzumba  
nga ndilade.



27

# Zwipuka zwa madini

shumela

Kha ri ite nyito

Vhege ya

Bammbiri

Themo ya

Fhedzisani tshifanyiso nga u dzhenisa nyolo kana zwifanyiso zwa zwipuka  
zwine zwa dzula madini.


# Zwivhumbla zwa lwanzheni

28




Kha ri ambe

Kha ri lavhelese zwipuka zwo fhambananaho zwi no dzula madini a re na munō.



Hu na zwipuka zwituku zwine na zwone zwa dzula matomboni a re mativhani a songo tsesaho.



Teacher:  
Sign:  
Date:

# Zwipuka zwa lwanzeni

Themo ya 2 - Vhege ya 7 - Bammbiri la u shumela la



Kha ri imbe

Ambani nga zwipuka zwot̄he zwa lwanzeni zwi re zwifanyisoni izwi.


- Ndi zwipuka zwifhio zwa lwanzeni zwine zwa liwa nga vhatu?
- Ndi zwipuka zwifhio zwa lwanzeni zwine zwa vha na khombo kha vhatu?
- Muvhili wa khovhe wo putelwa na u tsireledzwa nga mini?
- Ni vhona u nga hu do bvelela mini arali madanzhe a nga tshikafhadzwa nga malat̄wa na milimo?
- Ndi ndila dzifhio dzo fhambananaho dzine dza nga tshikafhadza madanzhe?



Kha ri nwale

Ńwalani madzina a zwipuka zwine na vhona u nga zwi dzula milaboni, madamuni kana lwanze kha kholomo tharu dzi re kha thebulu.


Mulaboni	Lwanzeni	Damuni



Kha ri ite nyito

Itani kudamu kwañu kwa khovhe.

- Penndani ngomu ha bogisi la zwienda nga muvhala wa lutombo u re na vhudala ni li ladze nga lurumbu.
- Gerani khovhe i re nga murahu ha bugu.
- Nambatedzani iyi khovhe kha bogisi nga theiphi na lutambo.



Bvelani nnđa

- Fhufhani sa tshiñoni nga luvhilo na nga u ongolowa.
- Phavhamedzani sa phingwini.
- Fhufhani sa ñotshi.
- Tshimbilani sa ñambatshekwa.
- Bambelani sa khovhe.
- Thamuwani sa tshidula.
- Tambani mutambo wa tevhelakhwalasambi
- Tambani mutambo wa tshimangenambevha



30


# Zwipuka zwi no tshimbila na midi yazwo

Themo ya 2 – Vhege ya 7 – Bammbiri la u shumela la



Kha ri vhale

**Tshibode**



No vha ni tshi zwi divha? Ndi a kona u fhelela zwavhudivhuđi kha khamba yanga, nohone a i swiki hune ya si tsha ndingana.

Tshibode ndi tshikokovhi tshine tsha vha na milenzhe miňa ya makwanda na mutsinga na t̄hoho zwo onyanaho. Tshi tshimbila nga u ongolowa tsho hwala nndu yatsho ya khamba mučanani.

Zwi dzula ngafhi?



Kha ri nwale

Fhindulani mbudziso dzi no kwama zwibode zwi no dzula shangoni.

Gamba la tshibode li a kondà kana li a putedzea? \_\_\_\_\_

Gamba la tshibode li tshi tsireledza kha mini? \_\_\_\_\_

Tshibode tshi ita mini musi tsho tshuwa? \_\_\_\_\_

Tshibode tshi la zwiliwade? \_\_\_\_\_

Deithi: .....

# Khumba

Lavhelesani khamba ya khumba.

Lito

Khamba

Tshiphuphuledzi tshilapfu

Tshiphuphuledzi tshipfufhi

Khando


Kubuli kwa u fema

Khumba i tshimbila nga ndilade?

No no vhuya na doba khamba ya khumba? Ni vhona u nga ho bvelela mini kha khumba muñe wayo?


Khamba dza khumba dzi na muvhalade?

Ni vhona u nga ndi nga mini khumba dzi na khamba?



Kha ri r<sup>u</sup>wale

Ni vhona u nga ndi dzula ngafhi? Tsini na tshifanyiso, r<sup>u</sup>walani uri ndi nga fhaña muñi murini; ngomu mavuni kana madini.



# Zwipuka zwi no difhatela vhukhudo

Kha ri ite nyito

Livhanyani zwifanyiso zwa zwipuka izwi na zwifanyiso zwa miđi yazwo.




Themo ya 2 - Vhege ya 8 - Bammbiri ya shumela




Kha ri vhale

**Notshi**



## Vhusunzi

Vhusunzi hu fhaṭa tshaka dzo fhambananaho dza vhukhudo vhiponi hadzo. Lusunzi luṭukutuku lu a kona u gagamisa tshithu tshire tsha lu fhira kana. Vhu a sevhana arali hu na khombo khathihi na u vhudzana uri zwiliwa zwi ngafhi.



Kha ri nwale

Ni vhona u nga ndi nga mini vhusunzi vhu tshi difhatela vhukhudo? \_\_\_\_\_

Swina la vhusunzi ndi nnyi? \_\_\_\_\_

Vhusunzi vhu shumisa mini kha u fhaṭa vhukhudo? \_\_\_\_\_



Kha ri vhale

## Zwinoni

Zwinoni zwi fhaṭa zwitaha sa vhukhudo khathihi na u kudzela makumba ngomu. Saizi ya tshitaha i langwa nga saizi ya tshinoni.


Zwinoni zwi shumisa mini kha u fhaṭa zwitaha? \_\_\_\_\_


Ndi zwipuka zwifhio zwine zwa vha maswina a zwinoni?







Dikishinari yanga

A	a	M	m
B	b	N	n
C	c	O	o
D	d	P	p
E	e	Q	q
F	f	R	r
G	g	S	s
H	h	T	t
I	i	U	u
J	j	V	v
K	k	W	w
L	l	X-Z	x-z






P.29





P.30





P.36-37



P.57

